

- b.  $\frac{1}{2}$  hluta vaxta sjóðsins skal varið til að styrkja ungar efnilegar stúlkur, er óska framhaldsmenntunar í heimilisstörfum eða í listrænum heimilisiðnaði. Nemendur frá vinnuskóla eða námskeiðum stofnunarinnar, skulu hafa forgangsrétt að þessu styrktar- og verðlaunafé Heimilisprýðinnar. 104 11. júlí
- c.  $\frac{1}{4}$  hluti vaxta sjóðsins sé lagður við höfuðstól.

## 6. gr.

Tekjur sjóðsins eru: Minningargjafir, áheiti, aðrar gjafir, svo og vextir af höfuðstól.

## 7. gr.

Stjórn sjóðsins ber að sjá um, að innfærðar séu í þar til gerða bók, myndir af þeim konum, er minningargjafir eru helgaðar, svo og nöfn þeirra, heimili, aldur og stöðu, sjá 1. gr.

Bók þessi skal liggja til sýnis og hvatningar á völdum stað á kvennaheimilinu.

## 8. gr.

Stjórn sjóðsins ber að halda gerðabók fyrir sjóðinn og færa í hana skipulagsskrána, fundarsamþykktir, umsóknir um styrk úr sjóðnum, styrkveitingar og ástæður fyrir þeim og allt annað, er varðar hag og rekstur sjóðsins. Sjóðstjórninni ber einnig að færa sérstaka bók yfir eignir sjóðsins, tekjur hans og gjöld og færa í hana ársreikning sjóðsins.

## 9. gr.

Skipulagsskrá þessi skal lögð fyrir forseta Íslands til staðfestingar.

**Staðfesting forsetans á skipulagsskrá fyrir „Minningarsjóð systkinanna Hildigunnar Þorsteinsdóttur og Friðþjófs Þorsteinssonar“, útgefin á venjulegan hátt að mandatun af dómsmálaráðherra 11. júlí 1946.** 105 11. júlí

Skipulagsskráin er þannig:

## SKIPULAGSSKRÁ

### fyrir Minningarsjóð systkinanna Hildigunnar Þorsteinsdóttur og Friðþjófs Þorsteinssonar.

## 1. gr.

Sjóðurinn heitir Minningarsjóður systkinanna Hildigunnar Þorsteinsdóttur og Friðþjófs Þorsteinssonar.

## 2. gr.

Stofnfé sjóðsins er:

- a. Kr. 3000.00 — þrjú þúsund krónur —.
- b. Ljós-lækningatæki.

## 3. gr.

Minningarsjóðurinn er gjöf til barnaskólans á Dalvík frá Ingibjörgu Baldvinsdóttur og Þorsteini Jónssyni, til minningar um fyrrnefnd börn þeirra, Hildigunni og Friðþjóf.

## 4. gr.

Alla peningaeign sjóðsins skal geyma og ávaxta í Sparisjóði Svarfaðardals-hrepps eða annarri tryggri peningastofnun eða ríkistryggðum bankavaxtabréfum eftir ákvörðun sjóðstjórnarinnar. Ljós-lækningatækin skal geyma á þeim stað, er stjórn sjóðsins telur öruggan og hentugan til starfrækslu þeirra.

105

11. júlí

Sjóðurinn tekur við gjöfum og áheimum þeirra manna, sem vilja efla hann og styðja að tilgangi hans. Hann lætur halda ártíðarskrá og tekur við minningargjöfum um látna menn. Skulu helztu æviatriði þeirra vera rituð í ártíðaskrána, ef þess er óskað. Þeir, sem óska að nöfn látinna vina og vandamanna séu innfærð í ártíðaskrá sjóðsins, greiði fyrir það gjald, er þeir ákveða sjálfir, en sjóðurinn gefur út minningarspjöld með nöfnum hinna látnu, er innritunarbeiðendur senda nánustu vandamönnum í stað kransa.

6. gr.

Höfuðstól sjóðsins má aldrei skerða, né það, sem við hann er lagt, hvort heldur eru viðlagðir vextir, áheiti, gjafir eða annað, unz sjóðurinn er orðinn fullar 20000 — tuttugu þúsund — krónur. Fyrst þá má verja  $\frac{3}{4}$  ársvaxtanna samkvæmt 7. gr.

7. gr.

Tilgangur sjóðsins er:

- I. Að styrkja fátæka, efnilega og námfúsa unglinga, sem stundað hafa barnanám í barnaskóla Dalvíkur, til framhaldsnáms í:
  - a. Lærdómsdeildum menntaskólanna, þó ekki fyrr en að afloknu fyrsta ársprófi með góðri einkunn.
  - b. Háskólum, erlendis eða hérlendis, þar með taldir erlendir landbúnaðarháskólar.
  - c. Tónlistarskólum, sem veita réttindi til inntöku í tónlistarháskóla.
  - d. Iðn- og tæknifræðiskólum erlendis að afloknu góðu prófi í hérlendum skóla þeirrar tegundar, ef til ér.

Styrkurinn skal aðallega veittur þeim, er sakir fátæktar geta ekki lagt út á námsbrautina hjálparlaust og skal styrkþegi njóta styrksins árlega, meðan á námi hans stendur, enda færi hann sönnum á, að hann stundi námið af alúð, sbr. 8. gr.

Þegar handbært styrktarfé sjóðsins er orðið 2000.00 krónur eða meira á ári, er sjóðstjórninni heimilt að styrkja fleiri en einn nemanda árlega.

- II. Að stuðla að bættu heilsufari barna með ljósi og ljóslækningum, fyrst og fremst í barnaskóla Dalvíkur. Til greina getur komið að nota megi tækin handa öðrum börnum og fullorðnu fólki að tilhlutan héraðslæknisins í Svarfdælahéraði. Hreppsnefnd Dalvíkur greiði árlega reksturskostnað ljósatækjanna, enda fái barnaskólabörnin í Dalvík ljósin jafnan ókeypis. Hreppsnefndinni ber og skylda til að endurnýja tækin, þegar þar að kemur.

8. gr.

Skylt er þeim, er námsstyrks kunna að njóta af sjóðnum, að gefa stjórn sjóðsins árlega skýrslu um nám sitt. Skal þar getið vitnisburða þeirra, er hlutaðeigandi fær frá stofnun þeirri, er hann stundar nám við. Ef styrkþegi vanrækir nám sitt eða hættir námi, missir hann rétt til styrksins.

9. gr.

Stjórn sjóðsins skipa:

1. Héraðslæknirinn á Dalvík.
2. Skólastjóri barnaskólans á Dalvík.
3. Sóknarpresturinn.
4. Tveir menn, er hreppsnefnd (bæjarstjórn) Dalvíkur kýs til þriggja ára í senn. Nefndin skiptir sjálf með sér verkum og vinnur kauplaust.

## 10. gr.

Stjórnin stýrir málum sjóðsins. Hún ákveður hverja hún telur verða þess að hljóta námsstyrk úr sjóðnum. Hún heldur gerðabók, sem í eru ritaðar allar samþykktir stjórnarinnar og framkvæmdir, svo sem úthlutun styrks, kosningar, fundargerðir, ársreikningar sjóðsins og annað, sem snertir starfsemi hans.

105

11. júlí

## 11. gr.

Stjórnin skal láta birta ársreikning sjóðsins opinberlega á hverju ári, endurskoðaðan af tveimur mönnum, er hreppsnefnd Dalvíkur kýs til þess til þriggja ára í senn. Þeir vinna kauplaust.

## 12. gr.

Leita skal staðfestingar á skipulagsskrá þessari.

Dalvík, 5. júní 1946.

Ingibjörg Baldvinsdóttir. Þorsteinn Jónsson.

Staðfesting forsetans á skipulagsskrá fyrir „Minningarsjóð Þorbergs Þorleifs-sonar, alþingismanns frá Hólum“, útgefin á venjulegan hátt að mandatum af dómsmálaráðherra 16. júlí 1946.

106

16. júlí

Skipulagsskráin er þannig:

## SKIPULAGSSKRÁ

fyrir Minningarsjóð Þorbergs Þorleifssonar, alþingismanns frá Hólum.

## 1. gr.

Sjóðurinn heitir Minningarsjóður Þorbergs Þorleifssonar frá Hólum.

## 2. gr.

Sjóðurinn er stofnaður með 2000 króna framlagi frá Þorleifi Jónssyni föður hins látna og systkinum Þorbergs sáluga.

## 3. gr.

Heimilt er að auka sjóðinn með tillögum frá félagsheildum og einstökum mönnum.

## 4. gr.

Sjóðnum skal varið til að styrkja og efla trjáræktarstöðina í Hólum, sem Ungmennasambandið Úlfljótur hefur stofnað til minningar um Þorberg.

## 5. gr.

Þegar sjóðurinn er orðinn 3000 kr. má verja  $\frac{3}{4}$  vaxtanna til styrktar trjáræktarstöðinni á þann hátt, er stjórn stöðvarinnar ákveður, en  $\frac{1}{4}$  ársvaxta skal ávallt leggjast við höfuðstólinn.

## 6. gr.

Sjóðurinn er geymdur og ávaxtaður í inulánsdeild Kaupfélags Austur-Skaftfellinga á Höfn eða í Búnaðarbanka Íslands, Reykjavík, eða í bankavaxtabréfum; þó má lána úr sjóðnum til kaupa á plöntum og fræi til trjáræktarstöðvarinnar með samþykki sjóðstjórnarinnar og gegn tryggingu, eftir samkomulagi við stjórn Úlfljóts.